



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2011. GODINU HRVATSKOG ZAJEDNIŠTVA HERCEG-BOSNE

Broj: 03-07-6-403/12
Sarajevo, 19. novembar 2012. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatsko zajedništvo Herceg-Bosne za 2011. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Hrvatsko zajedništvo Herceg-Bosne prekršilo je odredbe člana 11. stav (1) i stav (3) Zakona o finansiranju političkih stranaka.**

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Hrvatskog zajedništva Herceg-Bosne za 2011. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatsko zajedništvo Herceg-Bosne je ostvarilo ukupne prihode u iznosu od 103.403,12 KM, čija struktura je data u sljedećoj tabeli¹:

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	3,12	0,00%
5	Prihodi od pr.lica	0,00	0,00%
6	Prihodi od poklona	400,00	0,39%
7	Prihodi iz budžeta	0,00	0,00%
	Ostali prihodi	103.000,00	99,61%
	Ukupni prihodi:	103.403,12	100,00%

U godišnjem finansijskom izvještaju stranka je iskazala ukupne rashode u iznosu od 13.117,47 KM.

2. PREDSTAVLJANJE POLITIČKE STRANKE

Naziv političke stranke: Hrvatsko zajedništvo Herceg-Bosne. Skraćeni naziv: HZ-HB.

Dana 07.03.2008. godine Hrvatsko zajedništvo Herceg-Bosne je upisano u registar Općinskog suda u Mostaru rješenjem broj: R/1-08. Rješenjem Općinskog suda Mostar, broj: R/3-11 od 21.02.2012. godine, Hrvatski Demokršćani su prestali sa radom i brisani su iz registra političkih stranaka radi udruživanja. Istim rješenjem je u Registar političkih organizacija-stranaka Općinskog suda Mostar upisano Udruživanje političkih stranaka pod nazivom Hrvatski demokršćani i Hrvatsko zajedništvo Herceg-Bosne u političku stranku Hrvatska stranka prava Bosne i Hercegovine, koja postaje pravni sljednik ovih stranaka.

Sjedište političke stranke je u Mostaru, K.M.V. Humskog br. 39².

Ovlaštena lica za zastupanje Hrvatskog zajedništva Herceg-Bosne u 2011. godini su Petar Milić, predsjednik i Ivan Pavlović, zamjenik predsjednika.

Lice ovlašteno za podnošenje finansijskih izvještaja za 2011. godinu je Kevsera Oručević.

¹ Podaci iz ispravljenog obrasca 3 (ukupni prihodi političke stranke) godišnjeg finansijskog izvještaja za 2011. godinu, koji je dostavljen dana 22.10.2012. godine.

² Sjedište HZ-HB u 2011. godini je bilo u Mostaru, ulica Dubrovačka bb.

Prema podacima iz godišnjeg finansijskog izvještaja za 2011. godinu, Hrvatsko zajedništvo Herceg-Bosne ima sljedeću organizacionu strukturu:

- Stožerno vijeće HZ-HB.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatskog zajedništva Herceg-Bosne za 2011. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Hrvatskog zajedništva Herceg-Bosne obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je obavila pregled godišnjih finansijskih izvještaja Hrvatskog zajedništva Herceg-Bosne za 2008., 2009. i 2010. godinu, i izdala izvještaje o pregledu sa nalazima i mišljenjem revizora da je stranka postupala u skladu sa odredbama Zakona o finansiranju političkih stranaka.

5. NALAZI I PREPORUKE

5.1. NALAZI

Hrvatsko zajedništvo Herceg-Bosne prekršilo je odredbe člana 11. stav (1) i stav (3) Zakona o finansiranju političkih stranaka.

Pregledom finansijskog izvještaja utvrđeno je da Hrvatsko zajedništvo Herceg-Bosne nije uspostavilo potpune evidencije o svojim prihodima, rashodima i obavezama, čime su prekršene odredbe člana 11. stav (1) Zakona o finansiranju političkih stranaka. Takođe je utvrđeno da stranka nije u finansijskom izvještaju iskazala sve troškove i obaveze, čime je prekršila odredbe Pravilnika o godišnjim finansijskim izvještajima političkih stranaka i člana 11. stav (3) Zakona o finansiranju političkih stranaka.

- Na osnovu obavljene kontrole godišnjeg finansijskog izvještaja i dodatne dokumentacije, utvrđeno je da stranka nije u svojim poslovnim knjigama evidentirala prihode u iznosu od 400,00 KM, odnosno nije evidentirala troškove knjigovodstvenih usluga u iznosu od 400,00 KM.

Uvidom u obrazac 3-e (nenovčane donacije i računi koje stranke nije imala obavezu da plati) i dodatnu dokumentaciju, utvrđeno je da je jedno pravno lice, bez naknade, pružilo knjigovodstvene usluge stranci, čime je stranka primila nenovčanu donaciju.

- Prema podacima iz poslovnih knjiga i finansijskog izvještaja Hrvatskog zajedništva Herceg-Bosne, utvrđeno je da su u 2011. godini izvršene isplate iz blagajne fizičkim licima po računima za utrošeno gorivo u ukupnom iznosu od 5.017,26 KM.

Na osnovu poslovne dokumentacije stranke i kopije računa na osnovu kojih su vršene gotovinske isplate sa blagajne³, Služba za reviziju nije mogla utvrditi da su troškovi nastali kao rezultat redovnog rada političke stranke, odnosno da su sredstva utrošena u svrhu stranačkih aktivnosti.

Naime, utvrđeno je da politička stranka nije izdavala naloge za službena putovanja, odnosno da nema bilo koju drugu dokumentaciju na osnovu koje bi bilo moguće utvrditi mjesto i svrhu putovanja.

Na osnovu izvoda iz poslovnih knjiga i dokumentacije koju je stranka dostavila, takođe je utvrđeno da stranka nema osnovna sredstva, tj. da ne posjeduje vozila.

Imajući u vidu da stranka ne posjeduje vozila, odnosno da nema zaposlene, a da je vršila isplate fizičkim licima, koje sa poreskog aspekta imaju karakter ličnih primanja, stranka je bila obavezna izvršiti obračun poreza na dohodak i pripadajuće doprinose na iznos od 5.017,26 KM.

Obzirom da stranka nije u skladu sa poreskim propisima, obračunala i platila porez na dohodak i pripadajuće doprinose na isplaćena sredstva, troškovi i obaveze po osnovu poreza i doprinosa nisu evidentirani u poslovnim knjigama, odnosno nisu iskazani u godišnjem finansijskom izvještaju stranke.

5.2. PREPORUKE

Preporučuje se Hrvatskom zajedništvu Herceg-Bosne da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da u skladu sa odredbama člana 11. stav (1) Zakona o finansiranju političkih stranaka vodi potpune evidencije o svojim prihodima i rashodima, i*
- *da, u skladu sa odredbama člana 11. stav (3) Zakona o finansiranju političkih stranaka, finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR:

U ostavljenom roku, Hrvatsko zajedništvo Herceg-Bosne je dostavilo odgovor na Preliminarni izvještaj o pregledu godišnjeg finansijskog izvještaja za 2011. godinu.

Stranka je uz primjedbe dostavila i ispravljene obrasce godišnjeg finansijskog izvještaja za 2011. godinu, čime je većim dijelom otklonila nedostatke u popunjavanju godišnjeg finansijskog izvještaja. Služba za reviziju je sve argumentovane primjedbe Hrvatskog zajedništva Herceg-Bosne uvažila i u tom dijelu izmijenila nalaze.

Mr. Hasida Gušić, šef Službe za reviziju

Sanja Čabrilo, revizor

³ Ukupne isplate sa blagajne u 2011. godini su iznosile 12.562,34 KM.